

# BONERIANO

“  
Kada hòmber  
grandi  
awendia tin su  
disipulonan i  
semper Hudas  
ta esun ku  
ta skirbi su  
biografia  
BONERIANO

EDITOR:  
Bonaire Communication Services N.V.

Djammers 13 Febrüari 2024 | Preis: \$1.25

## KOMPENSASHON DI FRAKSHON KETU BAI SUMPINÑA DEN WOWO

Fundashon Músika Original Krioyo ofisialisá



Despues di hopi aña di envolvimentu den organisashon di Festival Kanto Krioyo relashoná ku Dia di Rincon, a hasi un cambio positivo den e komishon.

**xerox**<sup>TM</sup>

**OBERSI**  
ELECTRONICS  
BONAIRE

[www.cityshopbonaire.com](http://www.cityshopbonaire.com)

**City Shop Bonaire**

+599 700.6442

+599 717.3666

**City Shop**  
Smart shopping • Better living

**LIVA**  
FM 99

**NAPA BONAIRE**

**BO UNIKO STOP, PA TUR  
BO PIESA I TIRE PA BO  
AUTO, BUS OF TRUCK**

KAYA CARLOS A. NICOLAAS | 717-6272

**2X** Double Points Tuesday!

**ALL DAY EVERY TUESDAY!**  
Earn Double Points on your Club Card

Open Monday - Saturday 8pm to 4am | Sunday 7pm to 3am | (599) 717-3504  
diviflamingocasino.com | ATM available

**DIVI FLAMINGO CASINO**

Partisipashon di Parokia di  
La Birgen di Coromoto  
Djarason 14 febrüari  
Misa di partimentu di shinishi  
07.00 mainta i 7.30 anochi  
na parokia

Regalu  
gordo pa  
konsehalnan  
den diskushon

**PAG#4**

Un persona ku ta laga su stèmpel atras

# Teresita Toré a bai sosegá

KRALENDIJK

Teresita Toré-Strickx a faysé djasabra anochi na hòspital di Mariadal. El a muri lagando su stèmpel atras riba vários tereno, semper bai tambe tras i na banda di su esposo Henry Toré. E tabata konfrontando problema ku salú últimamente.

Matea Teresa Strickx a nase dia 21 di sèptèmber 1936 na Boneiru. Su fam Strickx ta mará na e bario Rincon, na unda un polis belga a establese den siglo 19 i laga e fam aki atras.

Teresita a kasa ku Henry Toré, kende a bin traha na Boneiru komo maestro na St. Dominicschool, pa despues muda pa Lourdes MAVO/ETAO, ku despues a bira Scholengemeenschap Bonaire, di kua el a bira direktor. Teresita i Henry tabata un pareha inseparabel.



Boneiru i despues a studia komo maestra pa skol preparatorio na Kòrsou. El a traha tambe hopi aña na skolnan preparatorio di Boneiru.

Teresita Toré despues di tempu a keda nombrá komo inspektora di enseñansa preparatorio.

Su tarea tabata pa kontrolá, evaluá i sigurá ku e skolnan preparatorio na Boneiru tabata funshoná bon i segun regla. Den e kuadro aki el a atendé ku diferente treinen pa maestranan di enseñansa preparatorio.

**Boluntario**

Banda di su responsabilidad komo profeshonal den enseñansa preparatorio, Teresita semper a saka tempu pa hasi trabou boluntario. Asina por mensioná ku e tabata un dje personanan di promé ora di ORFEBU (Organisashon Femenino Boneriano), ku a realisá komo proyekto mas grandi Krèsh Bon Kuido, promé krèsh profeshonal riba e isla.


Mas aleu Teresita durante añanan tabata un di kargadónan mas importante di e akshon anual di 'Stampia pa Mucha', pa medio di kua tabata rekoudá fondo pa finansiá proyektonan na benefisio di e mucha boneriano.

Teresita huntu ku su esposo Henry tabata for di kuminsamentu miembro prominente di e koro Ars Cantandi.

Pa su trabounan den enseñansa preparatorio Teresita Toré-Strickx a haña kondekorashon real na aña 1992.

Teresita ku sierto regularidat den pasado a duna kursonan di kushinamentu, trahamentu di pasapalu i bolo. Hopi ta e hendenan ku a siña serka dje. El a kompartí su konosementu kulinario tambe den programanan radial i den buki di reseta.

Kondolensia di parti BONERIANO na famianan.



Consuelo  
Memorial

Kaya Maria C. Helmund-Boom 11 • Bonaire • CN  
T/F: (+599) 717 3243 (24h) • info@consuelomemorial.com

**2 Timoteo 4:7**

**Mi a lucha e bon lucha, mi a kore e kareda te na fin i mi a mantené mi fe**

**Mi esposa i nos mama:  
Un océano di amor**

Ku hopi tristesa pero gradesido pa tur lokual el a nifiká pa nos, nos ta partisipá ku a bai drumi den brasa di nos Señor

**Matea Teresa Toré-Strickx**

\*21 sèptèmber 1936 - † 10 februari 2024

**Na nòmber di su esposo:**

Henry Toré

**Yunan:**

Rupert & Doris Toré-Salgado Herrera

Nicole & Norberto Maat-Toré

Tessa & Roberto de Lannoy-Toré

**Nietunan:**

Christopher Maat & Geandrah de Nobrega

Tamiya Maat

**Bisanietu:**

Angelina Maat

**Rumannan:**

† *Rafaela Hensen* i yu

† *Luisa Molina-Strickx* i famia

† *Bernadita De Jongh-Strickx* i famia

† *Haime Strickx* i famia

† *Hyacintho Strickx* i famia

† *Pedro Strickx* i famia

† *Gladys Strickx*

† *Christina Strickx*

† *Jacob Strickx* i famia

Ilogia Strickx i famia

Augustina Diosdado-Strickx i famia

Gerda Winklaar

**Ruman di kriansa:**

Josephine Bakhuis-Trinidad & esposo

**Subrinu(a)nan:**

Jozef Strickx, † *Henry de Palm*, Elerie Strickx, Manuel Strickx, Valerie de Palm, Cyslin Emans-Rolfast, † *Francis de Jong*, Dudley de Jong, Sheila de Jong, Petra & Sidney Alvarez, Geraldine Molina, Ireneo & Ethlyn, Herbert Molina & Ella Molina, Claudette Molina, Ignolva Molina, Nasneen Janga, Elson Janga, † *Yolanda Diosdado*, Marco Diosdado, Eddy Strickx, Edmina Strickx, † *Maria Strickx*, Beverly Strickx, Edy Strickx, Suven Strickx, Raylie Strickx, Simona Strickx, Shelda Strickx, Sheldon Strickx, † *Jerry Strickx*, Goldlene Strickx, Christlene Strickx, Falda Strickx, Andy Strickx, Nieves Kroonstadt & Mikey Winklaar. Tur ku nan respektivo famia.

**Kuñá:** Virma Bicentini-Toré

**Demas subrinu(a)nan:** Ruben Severina & famia, Rudolph Nahr & famia, Angelique, Patrick, Roxanne, Vernon, Vanessa Toré & famia, Mignon, Milangelo Toppenberg i famia, Annette, Renata, Enrico, Giovanni Jansen i famia i Editha Amerikan.

**Demas primu(a)nan.**

**Ihánan:** Nathaly Calmes-Saleh & Herbert Molina.

**Famia:** Piar, Frans, Sint Jago i Vivo.

Demas famia, komader, kompader i amigu(a)nan en especial Elsie & Rolandus Pourier, Maureen Philipa, Elba Beudeker, Elsa Molina i Corinne Ellis i rumannan. Nos diskulpa, si den nos tristeza nos por a lubidá un òf un otro miembro di famia.

**Tin oportunitat pa kondolensia djarason 14 febrüari na Consuelo Memorial Bonaire di 6'or pa 8'or anochi.**

**Oportunidad pa despedida ta djabièrnè 16 febrüari na Consuelo Memorial. Ta kuminsá risibi bishita dikondolensia di 1'or pa 3'or sigi pa kremashon den seno familiar.**

**En bes di krans por hasi donashon na Fundashon Krèsh Bon Kwido. Despues di entiero NO por risibi bishita di kondolensia na kas.**

# KOMPENSASHON DI FRAKSHON KETU BAI SUMPINÁ DEN WOWO

**KRALENDIJK** – E subida drástiko di e kompensashon di frakshon ketu bai ta un sumpiña den wowo di vários persona. Den e último dianan por nota ku den área polítiko i den komunidad kompleto ta kuestioná e subida aki. Tambe a bira konosí ku Sekretario di Estado pa relashon di Reino, Alexandra van Huffelen a enkargá ministerio di Asuntunan Interno i Relashon den Reino (BZK) pa kuminsá un investigashon kon a yega

na e desishon kontroversial akí.

Un situashon hopi straño mirando ku awor a ta bisa ku na último momentu a kambia e ordenansa pa regla e kambio di kompensashon di frakshon aki. Un subida di kasi mei mion dòler. Awor e pregunta ta surgi si ta anulá e desishon aki òf nò?

Posishon di Partido Demokrat i M21 ta klaro, nan ta keda para tras di e omento.

BONERIANO a tuma kontakto ku konsehal Jona

Chirino-Felida i Benito Dirksz pa sa nan posishon den e situashon aki. Pero te ku publikashon di nos artíkulo nos no a risibí nan reakshon. Partido polítiko MPB ta insistí di no tabata na haltura di e subida drástiko aki. “Nos tabata na haltura di un subida pero no e montante aki”, konshal Junny Wout a bisa.

### Investigashon na kaminda

Konseho Insular a bai di akuerdo unánimemente pa subi e kompensashon.

Sinembargo no ta tur frakshon tabata na haltura di e montante. Remarkabel ta ku awor ta indiká ku griffier interino, Arjen de Wolff a kambia e regulashon pues e ta responsabel pa e subida drástiko aki. Segun Wout no tin niun relato indikando ku a hasi sierto kambio na e ordenansa den konsepto. Bon mirá, e griffier no por tuma un desishon asina riba su mes. Pues e persona

òf personanan ku a duna enkargo na e griffier mester responsabilisá nan mes.

Ademas, no ta klaro sí ta posibel pa drai bèk e desishon akí. Un kos ta sigur, Van Huffelen a agregá e tópiko di kompensashon di frakshon na e agènda di e konferensia ku ta tuma lugá di 4 pa 6 di mart próksimo. No ta konosí si esaki por resultá den un indikashon di parti Hulanda.

## Noufragionan di barku

# Hopi tragedia a sosodé na kostanan boneriano

Hopi barku, tantu di bela komo di vapor òf motor, a yega di noufragá den laman rondó di Boneiru. Hopi hende a pèrdè nan bida i di mes hopi pèrdida di kapital. Tin biá tabatin tambe sobriebiente.

Na yüli 1915 un golèt ingles, Pelgrim, durante

un biahe for di St. Kitts pa Kòrsou, a pega riba kosta pariba di Boneiru. Algun siman despues, luna di ougùstùs di mésun aña, tambe un barku di bela ku e nòmber Saffie C. Marvil a resultá riba kosta pariba di Boneiru. Den ámbos aksidente a logra reskatá e

personanan na bordo.

Den tempu bieu, na momentu ku un barku noufragá i haña kadaver na kosta, tabata derá nan na e sitio mes, kobando un graf den besindario, na sitonan ku tabatin santu di laman. Mayoria bes tabata pone un krus di palu riba e graf.



## City Dive Bonaire N.V.

se busca

**Food manager – Marketing specialist / Encargado de alimentos - especialista en Marketing.**

- Mínimo dos años de experiencia
- Fluidez en comunicación en Inglés- Portugués
- Disponibilidad en horas laborales y durante horas nocturnas.
- Flexibilidad a Trabajar los fines de semana y días de fiesta.
- Horario ajustable a los catering (ajustado cada semana) 40 horas/semana desde 9:30 – 17:30
- Persona de confianza

**Por mas inf. telefonó: +599 782 2082 o por email: nunumbelino@icloud.com**

## EXECUTIEVERKOOP

Op donderdag 15 februari 2024, om 10:00 uur, vindt een openbare verkoop plaats.

**aangeboden:**

**Motorvoertuigen: 3x Scooter Sym Xpro 50**

Motorvoertuigen zijn 30 minuten voor de verkoop voor een ieder te bezichtigen.

De verkoop, in opdracht van de ontvanger van de Belastingdienst Caribisch Nederland vindt plaats op het adres: **KAYA INDUSTRIA #12 (Parkeerplaats Rocargo)**

Belasting deurwaarder belast met de executie Janiro Chatlein

## PENSAMENTU DI SIMAN

**Esaki ta un orashon ku nos tur por hasi .....**

Tata santu... Yuda mi pa mi haña un pensamentu manera di un mucha, sin deskonfiansa òf miedu i pa mi por stima bo Dios inkondishionalmente.

Tambe yudami pa mira e nesesidat di bo otro yunan riba mundu ku e wowonan di amor ku Abo Señor ta mira nan.

I dunami e abilidat pa hasi algu ku esei.

Pa asina kumpli ku bo palabra ku ta bisa:

**“I El a kohe un mucha .....** tum’è den Su brasa, El a bisa nan: **“Ken ku risibí un mucha manera esaki den Mi nòmber, ta Ami ela risibí.....” Marko 9:36-37**

Dianan ta pasa lihé. Mi ke kurashá bo pa bo tin tempu privá ku Dios. Ta bon pa fiha un momentu pa bo ku Dios so. Skohe bo ora mainta, merdia, atardi òf anochi. Kual sea ku bo skohe, hasi esei bo tempu privá ku Señor.

E no mester ta oranan largu. Kada hende por hasie e manera i e ora ku nan ta konsiderá ta bon pa nan tin e komunion ku Dios. E ta bale la pena. Un siman bendishoná.

13 febrüari 2024

## POLÍTICA

## Plasterk su konseho na PVV, VVD, NSC i BBB Papia mas pa formashon di Gabinete

**KRALENDIJK/DEN HAAG** -- Tin sufisiente akuerdo entre PVV, VVD, NSC i BBB, ku mester ta posibel pa forma un Gabinete nobo. Mas aleu lo determiná ki forma e gabinete akí mester tuma, un Gabinete mayoritario, òf minoritario. Asina ta keda afirmá den e rapòrt final ku e informadó Plasterk a ofresé djaluna na e presidente di Tweede Kamer, Bosma.

Eliminando Omtzigt di NSC, Plasterk no por

determiná sí aktualmente tin un perspectiva riba un Gabinete di derechista, pero sigur no ta ekskluí ku e ta bini di dje di tur manera. P'esei e ta konsehá e kuater partidonan pa sigui dialogá den un rònt nobo di formashon, liderá pa un informadó nobo ku amplio eksperensia atministrativo i polítiko.

E informe ta bisa ku NSC ta mantené e posishon ku e distansia for di e estado di derecho ku PVV ta muchu



grandi pa partisipá den un Gabinete mayoritario, òf minoritario. Sinembargo, e frakshon di Omtzigt ta prepará pa duna sosten di toleransia na un Gabinete minoritario.

Huntu den un Gabinete ku PVV, e ta keda un brùg muchu leu pa NSC. E partido ta preferá di mira un gabinete empresarial, òf un Gabinete èkstra Parlamentario, ku no tin un konekshon formal ku Tweede Kamer. PVV, VVD, NSC i BBB, a negoshá ku otro for di meimei di desèmber. E informe ta muestra ku nan a yega na un akuerdo riba e estado di derecho i derechonan fundamental dis 10 di yanüari. Esei tabata hopi importante pa NSC.

Por ehèmpel, nan a papia ku tur religion na Hulanda, inkluyendo Islam, ta suheto na libertat di religion. Tambe nan a yega na un akuerdo ku nan lo protehá i respetá e institushonnan independiente, manera e poder hudisial, siensia i medionan di komunikashon. E lider di PVV, Wilders, regularmente a hasi deklarashonnan anti Islámiko òf a kuestioná desishonnan hudisial den pasado.

(Fuente: NOS)

*Alsi Anthony:*

## Hipokresia i política mediokre

**KRALENDIJK-** Alsi Anthony pa medio di un komunikado di prensa ta ekspresá su malkontentu pa e aktitut di oposishon UPB i MPB. Banda di esaki e ta kuestioná korant su grado di ophetividat.

Promé ku e 100 dia di e gobièrnu nobo a sinta, ya e eksponentenan polítiko di UPB i MPB a sali ta ataká e gobièrnu nobo. Riba su

mes esaki no ta malu pero lásticamente e atakenan ta tipo di política hopi bieu i mas ainda, sin ningun base.

Kualkier mucha mes ta puntra su mes, ta kon por ta ku e eksponentenan di UPB i MPB ta kritiká por ehèmpel e awa ku ta keda pará den tanki Matrimonio, miéntras ku e problema aki tin mas ku 3 aña kaba sin ku el a wòrdi solushoná. Awor ta kon bo ke

bin grita ku nada no ta wòrdi hasí miéntras ku bo mes no a hasi nada i ku ta algu ku ta bo falta. Esaki nos ta yama hipokresia di marka mayó.

**No ta apliká periodismo ophetivo**

Un otro ehèmpel ta un matutino lokal, tur dia esaki ta kritiká e gobièrnu nobo komo sifuera ku e korant enkuestion aki ta skirbi komo

pamfleta polítiko.

Miéntras ku no ta un sekreto públiko ku e doño di e korant aki ta simpatisá e partido MPB i e no tin lei ku Abraham.

E rabia aki ta pone e doño aki a hasi e korant aki bira un pamfleta polítiko di MPB ku a pèrdè tur noshon di periodismo ophetivo.

No ta pòrnada hopi hende den nos komunidat ta puntra dikun e korant i tur e eksponente i kompinchi polítiko di UPB i MPB no ta kuestioná unda e \$800.000 di e rotònde na kaya Amsterdam a keda?

Tampoko no ta papia di e fupá di e hotèl Chogogo, e kosnan straño banda di Napa, OvO nan di \$30.000 pa luna etc.

'All by all' un kantidat di kosnan kuestionabel ku ni e korant ni tur e loranen di UPB i MPB no ta bisa nada.

Pa loke ta trata e loranen di partido por bisa ku nan no por yuda pasobra ta loke ku un di e lidernan di e partido ta bisa nan, nan ta 'papegaai'

Pero pa un korant ku ta hasi komo sifuera ku nan ta praktiká periodismo sí ta un bèrgwensa total di por degradá asina!!!

**Esaki ta política nobo?**  
Loke tambe ta remarkabel



ta e forma ku MPB ta hasi politikeria awor apesar ku nan a propagandá ku nan ta hiba política nobo.

Awèl e política ku e lider polítiko ta hasiendo awor ta mas bieu ku Metusalèm, fuera di e echo ku lokual e lider di MPB aki ta papia na medionan di prensa no tin pia ni kabes. Pa tantu supuesto lès ku nan a bai, nan no por a sikiera siña prepará nan mes, i hiba un presentashon na nivel! Nò, ta preferá di hasi politikeria bieu i papia di un sistema manera nan ta bisa na hulandes ku ta bai 'van de hak op de tak'. Miéntras di otro banda eksponente i èks lider di UPB ta buska tur manera di spanta bòshi di hende dor di trese kosnan sin base i no di bèrdat dilanti.

Mirando e forma ku e dos partidonan aki ta bai den e dianan aki ta demonstrá ku sea nan tin miedu pa nan bèrdat no sali i ta hasi nan hopi pero hopi desesperá o sea nan no por hiba política den oposishon. Di tur manera UPB i MPB a keda mesun malu ku nan tabata i e matutino a para bira un pamfleta polítiko di MPB. Anto ta asina ki ta hiba Boneiru dilanti!!!

Tristu!!!!

## Eks minister Dries van Agt a fayesé

**KRALENDIJK/DEN HAAG** -- E eks promé minister Dries Van Agt, a fayesé djaluna na su Ciudad natal di Nijmegen, e sentro di konosementu The Rights Forum, ta informá na nòmber di famia. Van Agt a muri na un momento skohé huntu ku su kasá Eugenie van Agt-Krekelberg. E entiero a tuma lugá den privá.

Van Agt tabata lucha ku un salú frágil pa hopi tempu kaba. Su esposa tambe



tabatin problema di salú. Despues di mas ku setenta aña huntu, e pareha a muri man den man, The Rights Forum ta skirbi. Nan tur dos tabatin 93 aña.

E eks promé minister di CDA, tabata minister for di 1977 te fin di 1982. Komo presidente honorario i fundadó di e doro di derechonan riba Israel i e Palestinonan, el a hasi kampaña pa derechonan humano i e kousa Palestino den e último añanan.

Van Agt tabata vise Promé Minister den Gabinete di lider di PvdA, den Uyl, ku kende e tabatin un relashon difísil. Despues di e elekshon di 1977, parse ku a surgi un di dos Gabinete, den Uyl, pa motibu di e viktoria elektoral grandi di PvdA, pero na final

tabatin masha tiki konfiansa i van Agt a uni forsa ku lider di VVD, Wiegel.

Van Agt a dirigí tres Gabinete komo Promé Minister entre 1977 i 1982, e gabinete Van Agt I ku Wiegel komo vise promé minister, e gabinete Van Agt II, ku lider di PvdA den Uyl komo vise promé minister i lider di D66 Terlouw, ku a kai despues di algun luna i a keda remplasá pa Gabinet van Agt III, ku solamente D66.

Na elekshon di 1982, e tabata lider polítiko di CDA pa di tres biá, pero e tabata kansá i no tabatin interes mas den política Hulandes. Inesperadamente despues di e elekshon el a anunsiá su retiro for di política.

Ruud Lubbers a bira su sucesor.

## POLÍTICA

Frakshon di MPB ku seri di pregunta:

## Regalu gordo pa konsehnan den diskushon

**KRALENDIJK** – Lider di frakshon di MPB, Humphrey Wout jr., a manda un seri di pregunta pa presidente di Konseho Insular Nolly Oleana, den kua ta pará sentral e echo ku nan a deskubrí ku Konseho Insular a regalá su mes ketu ketu asina, un montante di mei mion dòler.

“Awor tiki tiki ta bin aparentá ku ta na último momentu a kambia e ordenansa pa regla e kambio di kompensashon di frakshon aki den Konseho Insular, ku resultado ku esaki a bira dos biaha i mei mas haltu”, Wout ta trese dilanti den un karta pa presidente di Konseho Insular gezaghèber Nolly Oleana.

Segun Wout, konforme artíkulo 172, insiso 2 di WolBES, un gezaghèber ta promové integridat atministrativo. Tumando na kuenta ku loke a keda deklará den media, ku ta nifiká un impakto sumamente grandi riba e integridat di Konseho Insular, pero tambe Boneiru den su totalidat, frakshon di MPB a kuminsá hasi un investigashon preliminar.

**Montante pa frakshon**  
Artíkulo 7, insiso 3 di e konsepto, (ontwerp verordening rechtspositie raadsleden en aanstelling en rechtspositie buitengewone eilandsraadcommissieleden Bonaire 2023) numerá ER-2023000495, ta preskribí lo siguiente: “E montante total disponibel pa frakshonnan den Konseho Insular ta 0.9 porshento di e presupuesto di Entidat Públiko Boneiru. Ta dividí e montante aki for di e kantidat (9) di miembronan di Konseho Insular. E presupuesto pa frakshon ta ún suma i pues ta determiná pa e kantidat di miembro di Konseho Insular.”

E konsepto di ordenansa mensioná a keda ofresé na Konseho Insular via grifir dia 28 di sèptèmber 2023. Esaki den kuadro di un reunion èkstraordinario di forma opinion i tuma desishon solisitá pa frakshon di UPB, ku a keda konvoká pa dia 3 di òktober 2023.

Den e konsepto di lei tin pará ku esaki a keda ofresé tumando na kuenta e proposishon di presidio di

dia 6 di ougùstùs 2023.

**Ordenansa**

E ordenansa den konsepto den promé instansia ku ta datá di dia 14 di sèptèmber e siguiente teksto pa loke ta trata art. 7 insiso 3 ta keda preskribí komo tal: “Sin importá enbergadura di e frakshon tur frakshon ta risibí un suma básiko di 60.000 dòler pa aña. Riba esaki pa kada miembro di Konseho Insular èkstra un kompensashon di \$2.500 pa aña. Normalmente e proseso ta ku e konsepto ta keda tratá den e komishon fiho ‘Werkwijze’, un relato final di e reunion ta keda kompilá, i un karta firmá pa e presidente di e komishon mensioná ku ta Daisy

Coffie, mester keda mandá pa presidio suplikando ku e ordenansa den konsepto akompañá pa e eventual kambionan, keda agregá riba agènda di e siguiente reunion públiko di Konseho Insular di Boneiru.

**Misterio**

Wout: “Nos frakshon no por enkontrá tal relato i tampoko e karta pa presidio kaminda ta indiká ku a hasi sierto kambio na e ordenansa den konsepto. Sí nos a risibí e konvokashon di un reunion èkstra ordinario, pidí pa e frakshon di UPB, kaminda ta supliká un reunion di forma i tuma desishon pa dia 3 di òktober 2023. E tópiko di urgensia tabata e aprobashon di e promé i di dos raportahe

di ehkushon 2023 (uitvoeringsrapportage) i tambe e di promé i di dos kambia di presupuesto 2023 i un presentashon di e presupuesto di 2024.”

Wout ta sigui splika ku normalmente ta asina ku loke ta riba agènda di forma opinion lo mester t’ei atrobe riba e agènda di forma opinion. Investigashon di frakshon di MPB a mostra ku no a sigui e prosedura aki. A agregá 5 punto èkstra sin motivashon.

E prosedura korekto ta ku presidente di Konseho Insular ta pidi pa agregá puntonan èkstra, hopi biaha a base di un desishon di presidio. Wout a entregá prensa, komo prueba, tur e konvokashonnan di reunion na kua e ta referí.

**Minister di finansa:**

## “Nos ta pará ekselente pa un presupuesto nèchi”

**KRALENDIJK/DEN HAAG** -- Minister di Finansa demisionario, Steven van Weyenberg, no ta rekonosé su mes den e imágen ku algu inkomprensibel ta pasando ku finansa públiko. Segun e, finansa ta hopi saludabel. “Mi no tin indikashon ku e aña akí ta diferente for di otro añanan,” e ta bisa. “Tin semper kontra tempunan i riesgonan i nos ta adaptá nan perfekto na e presupuesto.”

Van Weyenberg ta reakshoná riba un publikashon di NSC for di e rònt di negosashon akí. E lider di NSC, Omtzigt, a bisa ku el a risibí solamente informashon di último momentu tokante kontra tempunan finansiero. El a disidí di retirá, pasobra e



no ke hasi promesa bashí na e siudadano. Den un komunikado, Omtzigt a skirbi ku “e situashon finansiero ta hopi mas serio ku loke a pensa.”

Van Weyenberg ta e susedor di Sigrid Kaag, kende entre tantu ta enviado di Nashonnan Uní pa rekonstrukshon di Gaza. E no ke duna un resúmen di e formashon. Pero e no ta mira motibu pa

preokupashon. “Mi ta kere ku nos ta bon.”

E minister nobo di finansa ta señalá ku den e rònt di formashon akí a pidi tur ministerio un lista di kontra tempu i riesgo. “E tabata un pregunta habrí, e ta bisa i despues nan lo duna lista hopi largu i mi ta komprondé.”


Segun van Weyenberge, tambe tin hopi deseo den e listanan akí, kosnan ku un ministerio lo ke kambia. “Mi a mira komparashon ku lista di mucha ku Sinterklas i mi ta rekonosé bo komo minister di finansa.”

Na mart, manera kustumber, lo konsultá tur ministerio riba e nota di primavera. I esei semper terminá den un presupuesto digno.

(Fuente: NOS)

## Solushon temporal na Kaya Apelsina

**KRALENDIJK** -- Djabièrnè Diputado Anjelica Cicilia a pasa



tira un bista na e solushon temporal ku a hasi na Kaya Apelsina den Rincon.

Diputado Cicilia: “Mi tin ku bisa ku e resultado ta mostra bon, spera ku esaki ta un alivio pa e habitante i bishitantenan di Rincon.

Un danki na Direktorado di R&O pa nan trabou rápido ku e solushon temporal akí, tanten ta sigui traha riba e solushon duradero, e diputado ta skirbi.

# HUSTISIA



*Un bia mas hues ta trese dilanti:*

## “Kabritu di mondi sin marka ta di niun hende”

**KRALENDIJK** - “Parse ku no tin niun klase di regla ora ta trata matamentu di kabritu di mondi. Den e Ordenansa Insular tin espasio pa stipulá reglanan konserní yagmentu di kabritu. Korte ta haña un bon idea pa bin ku reglanan tokante kiko si i kiko no por ora ta papia di kue kabritu na Boneiru”, hues Groenendaal a bisa. Ku esaki hues un bia mas ta trese klaridat den e situashon. E tópiko aki a sòru pa basta konfushon na momentu ku Ministerio Públiko (OM) a akusá 3 hòmbler di a kue kabritu di mondi i a mata nan. Un situashon basta konfuso mirando ku OM na yùni

2022 públikamente a bisa ku kabritu di mondi no ta pertenesé na niun hende.

Ku esaki gobièrnu di Boneiru a hasi konosí na komunidad ku no por entregá niun petishon na gobièrnu pa kubri gastu di daño un kabritu di mondi okashoná. Mirando ku kabritu di mondi no ta pertenesé na gobièrnu.

Pa hues a yega ora pa stipulá reglanan klaro pa asina evitá konfushon. “Tin diferente rapòrt na fabor i tambe kontra di yagmentu riba kabritu di mondi. Pero Korte no ta bai tokante esaki”, hues a agregá.

Por konkluí ku miéntras gobièrnu no bin ku lei òf regla estrikto tokante

kabritu di mondi e situashon aktual ta lo siguiente.

Kabritu sin marka, ku no ta den un kunuku será i niun

hende sali i reklamá su bestia ta ‘free for all’.



*Foto di archivo BONERIANO, pa duna konteksto na e artíkulo aki.*

*Mata kabritu di mondi:*

## Sospechosonan no tin kulpa

**KRALENDIJK**- Korte den Promé Instansia a apsolvé e sospechosonan, Jason W. (24), Samuel S. (56) i Jacinto M. (54) di a mata kabritu di hende. Djaweps 8 di febrüari último hues a hasi su e veredikto konosí. Ta trata di un kaso penal den kua Ministerio Públiko (OM) a akusá e sospechosonan di a mata kabritu di hende, posesion di arma di kandela, posesion di arma blanku. OM a akusá Samuel S. di a transportá su ko-sospechosonan pa e sitio di delito.

Esaki ta e huisio durante kua hues a bolbe suprayá ku kabritu di mondi, sin marka no tin doño.

Pues loke a keda riba mesa ta e akusashon di posesion di arma di kandela i arma blanku.

Hues a apsolvé Samuel S. di tur akusashon. “Den e dosié no por konstatá sufisientemente ku bo tabata na haltura di e armanan”, hues a splika su desishon.

Hues a splika ku den Lei di Arma BES no ta deskribí presis kiko ta konsiderá un arma. No tin nada pará tokante kuchú largu òf chikí. Por konsiderá nan komo arma solamente sí usa nan komo tal.

“Mi a bai wak den Lei di Arma di Hulanda. Aki ta para ku kuchú di kushina ta kastigabel si bo tin e

riba huntu ku bo riba kaya. I si por demonstrá ku bo ke us’e pa menasa òf hasi algu kastigabel kuné. Den e kaso aki a haña e kuchúnan den outo i a usa nan kontra kabritu i no hende”, hues a amplia.

Si hues a haña proba e echo di posesion di arma di kandela.

Korte den Promé Instansia a kondena Jacintho M. na un kastigu di prizòn komplementamente kondishonal di 12 luna ku un periodo di prueba di 2 aña.

Jason W. a risibí un kastigu di prizòn komplementamente kondishonal di 9 luna ku un periodo di prueba di 2 aña.

### Kòntrol estrikto durante Karnaval

**KRALENDIJK** - Kuerpo Polisial Hulanda Karibense (KPCN) durante marcha di karnaval desidido a tene kòntrol.

Djadumingu 11 di febrüari último polis a saka 3 shofùr for di den marcha

di karnaval pa manehá bou di influensia di alkohòl.

KPCN ke rekordá tur shofùr riba karetera públiko pa tene kuenta ku e konsumo di alkohòl. Kòntrolnan lo ta estrikto.



# Ivan Conradus un biá mas den Herensia

**KRALENDIJK** – Herensia ku Ivan Conradus, Djárason mèrdia awor álias Kid Samuco, ta bai e siguiente programa den aire na Bonaire.tv.



Anteriormente ya kaba Ivan tabata den Herensia, pero tempu no a alkansá pa atendé tur punto.

Den e promé programa Herensia, grabá na su kas, Ivan Conradus a papia di su infansia i hubentut, servisio militar etc.

Den e programa Herensia nobo aki Ivan Conradus ta bai den detaye spesialmente tokante su karera. El a traha entre otro na Curom. Tambe e ta bai den detaye tokante su karera den deporte di bókseo.

E programa Herensia aki ta bai den aire djárason pa 12or di mèrdia na Bonaire.tv, visibel tantu na Flamingo TV komo Telbo. Awor tambe riba Internèt na [www.bonairetv/live](http://www.bonairetv/live).

## Bonaire Marmer N.V.

ta buska

### metselaar

-2 aña di eksperensia - kurso 'mets.opleiding' -  
-idioma papiamentu i spañó

Pa mas inf. # di telefón **785-7491**

## Bonaire Infracra B.V.

ta buska

### 1 kok

Pa mas inf. # di telefón **770-7980**

Tene nos playanan limpi



## Programanan di Bonaire.tv

TELBO kanal 70

Flamingo TV kanal 23

### Djammers 13 Febrüari 2024

12.00 Herensia:	Hugo Gerharts
13.00 Aki Boneiru:	Festival del Caribe Cuba
14.00 Herensia:	Nicha Mercera & Famia Dammers (Isla Yuana)
15.00 BAPA:	Sur Pacifica - Mirna Wezel
16.00 Aktualidat:	Hennyson Thielman i Junny Wout
17.00 Aki Boneiru:	DS Dansschool-The Future
18.00 Herensia:	Broertje Vis
19.00 BAPA:	Ronald (Toni) Trinidad i Win Martinus
20.00 Herensia Korsou:	Pietje Belioso
21.00 Programa:	Karnaval 14 Feb. 1988 Parada Marcha Grandi Playa
23.30 Puerto Latino:	Luis Zárraga

Tur mèrdia 12'or ta kuminsá un programashon nobo di 4 ora. E programashon aki ta ripití pa 24:00.



## KREÁ PA BON OBRA

Skritura: Marko 10:35-45

“Pasobra nos ta e obra di Su man, kreá den Cristo Jesus pa bon obranan, kualnan Dios a prepará di antemano, pa nos kana den nan.” Efesionan 2:10(BS)

Grasia di Dios ta grandi! Mi a pensa ku esaki si ta un oportunitat pa mustra ku mi por. Danki Tata pa e oportunitat i pa saka mi padilanti!

Kiko tabata mi motivashon patras di e oportunitat i gradisimentu? Kisas un poko orguyo òf ‘show off’ manera nan ta bisa?!

Dios no solamente ta mira nos akshonnan, ma hopi importante ta nos motivashon i ambishon patras di e akshon. E parti ku ningun hende ta mira ma Dios si.

Den versíkulo 35b nos ta mira dos apòstel ku a hasi un petishon na Hesus: “Maestro, nos kier pa Bo hasi pa nos kiko ku nos pidiBo.” E pregunta ta inosente ma e motivashon su tras no ta korekto. Nan tabata ke posishon di onor i outoridat i esaki ta Dios so ta disidí.

Versíkulo 43-44 ta mustra kon Hesus ta enfrentá nan ku e bèrdat: “Ma entre boso no t’asina, ma ken ku kier bira grandi entre boso lo ta boso sirbidó; i ken ku kier ta esun di promé entre boso lo ta esklabu di tur.”

I den versíkulo 45 por mira e modelo i ehèmpel pa nos sigui: “Pasobra ni e Yu di Hende no a bin pa wòrdu sirbí, ma pa sirbi, i pa duna Su bida komo preis di reskate pa hopi.”

Dios a krea nos pa hasi Bon Obra i no buska onor propio. E mes ta rekompensá e Bon Obra na Su tempu.

Miéntras nos meta ta pa hasi bon obra, laga nos buska sabiduria di ariba pa agradá Dios den humildat!

Gilda Beukenboom-Sintjago

### Produkshon PGM

## Nos a topa

Roderich, tremendo persona. Fito Cicilia a sera nos konosí kuné. No solamente Roderich, sino tambe su señora i tur e tokadónan di Massive Brassband International. Sigur un tremendo eksperensia pa mi, promé biaha den mi bida wak Karnaval di Aruba. Masha hende atraves di aña mi a tende papia di e karnaval i sigur danki na Fito, e kabesante di The Boyz, ku a pèrkurá pa nos i pa ami a bai Aruba i sera konosí ku Massive Brassband International i karnaval di Aruba. Anto e aña aki tabata 70 aña di karnaval, e isla ku mas aña di selebrashon den e islanan A,B,C. Ta aya tur kos a kuminsá. Un eksperensia inolvidabel. Hendenan ku masha karisma ku hopi amor pa selebrá e fiesta di karnaval. Awor mi konosé karnaval di e islanan aki banda, kada un ku nan estilo. Mi ta yama danki na The Boyz i Roderich i henter e grupo ku ta forma Massive Brassband International. Huntu a pèrkurá pa mi tabatin un dushi karnaval 70 na Aruba.



## Pisina flotante temporalmente no aksesibel

**KRALENDIJK** - último. Relashoná ku trabounan di renobashon na e parti di betòn di e pisina flotante na Parke Tului, temporalmente no por usa esaki for di djasabra 10 di febrüari 2024

último. Ku komienso di e trabounan akí ta hasi un inisio na e di 2 fase di e proyekto di renobashon pa Parke Tului i bisindario. Dia 24 di febrüari e

Kampionato Habrí di Boneiru ta tuma lugá den e pisina ku e parti di betòn akí renobá.

Despues di e kampionato akí e pisina lo ta aksesibel atrobe pa uso general.



Segun penshonado Wícho:

## “Regla bo kosnan bon i bo ta biba dushi”

**K R A L E N D I J K** - tabata den kombersashon Wilfred Wícho Thodé ku dos kolega di WEB. ta duna splikashon “Si bo regla bo kosnan tokante dushi bida di un bon, ora bo baha ku penshonado. Thodé ta penshon bo ta biba dushi”, penshonado di WEB i Wícho a bisa.



## EDITORIAL

### Pueblo komo representante di Konseho Insular

Pokopoko, pero sigur, e oumento bárbaro di kompensashon den frakshonnan di Konseho Insular ta penetrando e pueblo di Boneiru. Hopi ta puntra kiko realmente ta pasando?

Manera ta konosí, Konseho Insular di Boneiru den su totalidat a bai di akuerdo ku oumento di e kompensashon pa frakshon pa medio di un kambio di e ordenansa. E ordenansa ofisialmente yama ‘verordening ambtelijke bijstand en fractieondersteuning’. Artikulo 9 di e ordenansa ta regla e kompensashon di frakshon i ta stipulá ku esaki ta 12 biaha e salario bruto di e trapi mas haltu di skal 10 di salario, mas 10% pa kada miembro di un frakshon.

Un kalkulashon superfishal ta mostra ku un frakshon di tres asiento ta risibí US\$ 63.414 pa aña, un frakshon di dos asiento US\$ 58.536 i un frakshon di un asiento US\$ 53.658. Pa luna esaki ta sali respektivamente US\$ 5285, US\$ 4878 i US\$ 4472.

E ordenansa di kambio ku dia 14 di sèptèmber a keda tratá ta papia di un modifikashon kaminda kada frakshon lo bai risibí US\$ 60.000 komo base i US\$ 2500 pa kada miembro adishonal. Un kalkulashon ta mostra ku un frakshon di tres asiento lo bai risibí US\$ 67.500 pa aña, di dos asiento US\$ 65.000 i di un asiento US\$ 62.500.

Tres siman despues Konseho Insular a aprobá e kambio di e ordenansa, pero no ku e montantenan menshoná, sino ku US\$ 88.400 pa kada asiento. Un frakshon di 3 miembro lo bai risibí US\$ 265.200 pa aña, ku ta den kareda di no menos ku US\$ 22.100 pa luna.

E problema ku a surgi ta ku ningun hende no sa unda i na ki manera e kambio a drenta e trayekto. Sospecho ta fuerte ku e lider di M21, Daisy Coffie, mester tabata sa di esaki, pasobra e ta presidente di e komishon ku a trata e kambio aki.

Di otro banda no mester pensa mes ken realmente ta tras di e asunto aki, pasobra BONERIANO a skirbi kaba ku ta den e genonan di e grifir interino aktual, Arjen de Wolf, pa echa un baina asina.

E pueblo en general no ta komprondé nada nada mas di e asunto aki. Dikon a bira asina tantu golos pa plaka i pa biaha kada bes den business class di KLM, mientrastantu ketu bai tin probresa na Boneiru, kamindanan ta den mal estado i servisionan di gobièrnu ta laga hopi di deseá?!

E problema mas grandi ku BONERIANO tin den henter e asunto aki ta ku ningun munisipio na Hulanda no tin un areglo ‘gordo’ i fabuloso asina.

Un splikashon ku ta yega mas serka di e problema ta ku e miembronan di Konseho Insular no sa i konosé nan trabou. E simpel echo ku nan a keda apuntá komo miembro di Konseho Insular a susha nan kabes i ta sinti nan mes suidadanonan sumamente importante den e komunidad boneriano i komo tal mester keda rekompensá pa esaki. Arogansia manera Arthur Sealy ta bisa.

Konseho Insular mester bai bèk na su raisnan i kuminsá hasi su trabou, esta di representá e pueblo, kontrolá gobièrnu i traha kuadro di maneho. E interpretashon di representashon awor ta completamente robes. Enbes di sondea kiko e pueblo kier, a para bira kiko miembronan di Konseho Insular kier i esei ta keda komuniká ku pueblo. Pues pueblo a bira representante di miembronan di Konseho Insular. Un èhèmpel klave ta e kambionan di WoIBES i FinBES. Pueblo a duna su opinion dia bieu kaba tokante e kambionan aki, pero awor mester tende kiko e representantenan kier.

Un otro interpretashon robes ta e parti di kontrolá gobièrnu. Úniko manera pa kontrolá gobièrnu na un manera efektivo ta ora tin un programa di gobernashon mará na e presupuesto. Aktualmente no tin nada di esaki i ta tur siman gobièrnu ta kanselá maneho òf ta anunsiá maneho nobo, pa despues bisa ku no ta asina, manera e asunto di kobramentu di impuestonan lokal.

Pa bini bèk riba e asunto di kompensashon di frakshon, ta un fórmula masha simpel tin. Mester hasi un estudio sientífiko promé den kuadro di kuantu desishon Konseho Insular ta tuma pa aña i kompará esaki ku esun di Saba, St. Eustatius i munisipionan na Hulanda. A base di esaki por kalkulá un montante normal, basá riba hecho, i no riba ego i arogansia. Sekretario di Estado ya a ripará e ridikules di marka mayó ku Konseho Insular aktual ta ‘bezig’kuné i a sugerí pa nan hala koroto aden i a base di un debate habrí, basá riba argumentonan bálido, yega na un otro desishon. Pa sigurá ku esaki lo bai sosodé, e lo pone e tópiko riba agènda di e konferensia ku lo tene na mart benidero.

Nos lo sinta wak si sano huisio lo prevalesé i Konseho Insular porfin kuminsá traha pa pueblo i no pa nan mes i nan saku.



*Freddy Dalnoot a fayesé*

# Floyd Patterson jr. tabata e mihó 'ringdancer' di Kòrsou

**KRALENDIJK** – Freddy Dalnoot, konosí den mundu di bòkseo ántes di Kòrsou komo Floyd Patterson jr., a fayesé siman pasá. Tabata konsider'é komo e mihó 'ringdancer' den deporte aki. Freddy Henny Dalnoot a nase dia 31 di yüli 1942 den e barío Juan Baesa, un barío situá pabou di e aktual Alves Supermarket.

Na 2022 Freddy tabata

den e programa Herensia den kua el a konta di su bida. El a lanta den un famia grandi ku hopi ruman. Su tata a bini for di Sürnam, su mama un señora di Kòrsou. Tata protestant, mama katólíko.

Freddy for di 16 aña a kuminsá traha. El a traha na hopi lugá. Por ehèmpel komo shofùr di Fuhrman di e konosido hoyeria Spritzer & Fuhrman.

Freddy: "Mi a traha komo partidó di korant Amigoe, tambe komo 'loopjongen' na e tienda Europa, ku tabata bende artíkulonnan di kristal. Spritzer & Fuhrman a kumpra Europa. Ta promé trabounan ku mi a hasi den mi bida. Último kaminda ku mi a traha tabata na SSK."

Deporte, korementu na pia i bòkseo, a kore manera un liña kòrá den bida di Freddy Dalnoot. E tabata mas konosí den bòkseo, bringando bou dje nòmber Floyd Patterson jr. "Mi tabata gusta e deporte aki i e deporte ei tambe tabata gustami. Mi a tumba bòksdónan grandi. Por ehèmpel Kid Ambrosio, un hòmbèr haltu i duru. Na momentu ku a bira konosí ku lo mi a bai bringa kontra Kid Ambrosio nan a laga sa ku mi mester a traha mi kaha di morto. Pero e dia di e pelea m'a tumb'é den di



dos rònt."

Den su karera den bòkseo Freddy a bringa ku bòksdónan grandi di Kòrsou i otro paisnan. E tabatin kontakto tambe ku bòksdónan boneriano ku tabata biba na Kòrsou. Entre otro 'El Negrito del Batey' di Rincon, tambe Fernando Josefa (Joe Louis), serka ken el a trein.

E kontrinkante di mas duru ku Freddy a enfrentá

den ren tabata 'Fighting Mac', un programa organisá pa Angel Job.

Freddy: "Nunka a nòkout mi. Sí mi a yega di haña nòkout tékniko. Mi tabata un bailadó den ren. Pa mi Jack Johnson (Jaime) tabata e mihó bòksdó ku Kòrsou i kisas asta Antia Hulandes akonosé. Mi ídolo internashonal den bòkseo tabata Cassius Clay – Mohamed Ali."



# Fundashon Músika Original Krioyo ofisialisá

**KRALENDIJK** -- Despues di hopi aña di envolvimentu den organisashon di Festival Kanto Krioyo relashoná ku Dia di Rincon, a hasi un kambio positivo den e komishon.

Dia 5 febrüari Komishon Kanto Krioyo a keda ofisialisá pa Notaris Robin Rispens, komo un fundashon bou di e nòmber Fundashon Músika Original Krioyo (MOK).

E direktiva ta konsistí di Maikel Janga komo presidente, Glenn Koffy, tesorero, Mikael 'Mika' Janga, sekretaria, Jenny

Coffie, Francisco Janga i Dorothy Cicilia, komo miembro di direktiva.

E meta di e fundashon ta pa stimulá i konservá e kultura i folklor Boneriano en general, ku énfasis spesial riba e músika i kanto kultural di e barío di Rincon.

Ademas e fundashon su mishon ta pa promové e kultura Boneriano den su totalidat riba tereno di músika pa medio di programanan na televishon i den medionan sosial, informashon i tayernan tokante kustumber i tradishonnan di pasado

kultural, sostené hóbennan talentoso ku ta dediká nan mes na músika òf kanto kultural.



Pa logra esaki, e fundashon ta bai organisá eventonan, entre otro festival, na nivel nashonal i internashonal, tambe aktividatnan kultural manera konsierto di kanto i músika, kompetensia i eventonan riba tereno folklórico.

Den e lunanan benidero, Boneiru por bai tende hopi di Fundashon MOK, ku ta spera di haña amplio sosten di komunidad pa logra e meta.

E promé aktividatnan di e fundashon ta tuma lugá entrante e luna di aprel.

Fundashon MOK ta sigui informá e

komunidad tokante nan aktividatnan pa medio di nan página di Facebook i otro plataformanan di komunikashon.



# sous karnavalesko




# sous karnavalesko



# Bon notisia di Parke Nashonal Marino

**KRALENDIJK** -- resientemente. E piská akí Despues di mas o ménos 10 aña, a mira e gutu djufes (Epinephelus itajara), tambe konosí komo ‘jewfish’, den awanan di Boneiru ta hunga un ròl importante den nos ekosistema dor di kome piská ku ta malu i asina evitá ku nos ta konsumí piská malu tambe.




Djufes ta un espesie protehá den awanan teritorial di Boneiru i su estado ta vulnerabel, IUCN. Laga nos tur kontribuí na nan konservashon.

Si bo mira e piská akí, por fabor informá STINAPA na [info@stinapa.org](mailto:info@stinapa.org) i si bo pisk’e, tir’é bèk den laman.

STINAPA ta hopi kontentu di mira e piská akí, awor laga nos ban traha huntu pa trese nan bèk.

(Foto: Johan Verbeek)



# Molina na pos di Angola lunanan kibrá

**KRALENDIJK** – E molina na pos di Angola ta lunanan kaba kibrá.

E molina mes no t’ei mas pa basta tempu. Kunukeronan ta reklamá, pasobra awor nan mester

move bai mas leu pa haña awa pa duna nan bestianan di krio òf matanan den kunuku.

“E awa dje pos aki ta di basta bon kalidat, en todo kaso bon pa duna kabritu.

Tambe pa muha sierto mata i palunan di fruta, pero e molina tin lunanan kibrá”, un kunukero ku sa tin kustumber di kue awa na e pos aki a bisa reporteronan di BONERIANO.

Algun aña pasá a ehekutá un proyekto pa drecha tur molina, asta a pone molina nobo, pero parse ku pokopoko ta bayendo bèk atras, esta

promé ku a drecha e molinanan aki. Un biá mas por ripará ku mantenshon di propiedatnan di gobièrnu ta un problema grandi riba e isla aki.



**Bo tabata sa ku persona ku derechi riba AOV ku ta kasá ta bin na remarke pa un Supsidio di Pareha AOV?**

Si e partner ainda no tin derechi riba AOV i e entrada konhunto ta abou, e unidat SZW di RCN ta paga e kontribushon aki pa asina yuda kubri gastunan di kosto di bida.

Pa haña supsidio di pareha, bo mester hasi un petishon. Pa sa mas di esaki, tira un bista riba [www.rijksdienstcn.com](http://www.rijksdienstcn.com).



# Bonaire.tv riba Cariflix i mas plataforma

KRALENDIJK – Awor no tin duda mas ku tur hende ku ke mira Bonaire.tv, kanal di historia, kultura i naturalesa di Boneiru, por mir'è. E último lunanan a negoshá ku diferente

plataforma pa logra haña e kanal ariba nan.

Pa di promé, Bonaire.tv tin su mes posishon riba Internèt. Esaki ta [www.bonaire.tv/live](http://www.bonaire.tv/live).

Mas aleu Bonaire.tv ta

awor riba Cariflix. Esaki ta grátis. Djis mester bai [www.cariflix.com](http://www.cariflix.com). Tambe riba Xyfe por haña e kanal boneriano.

Pronto Bonaire.tv lo ta tambe riba Basilachill.com.



13 di Febrüari 2024

**"Felis ta e hende ku ta para firme den fe no opstante e pruebanan ku e ta pasa aden."**  
(cf Hak 1,12)

**Kontinuamente nos ta keda persigui pa pruebanan. Sea ta pruebanan konkreto ku nos ta eksperiensia, den susesonan indeseá òf sirkumstansianan di bida ku ta kambia negativamente òf pruebanan sikológiko, nos pensamentunan negativo. Job a afirmá, ku "e tabatin hopi miedu di e pensamentunan ku e tabatin, pero ku no tabata realidat."** (cf Job 3,25) Esaki ta e tipo di pruebanan ku nos tambe ta pasa.

**Pablo ta siña pa "keda para firme den fe, no opstante e pruebanan ku nos ta pasa aden."** (cf Hak 1,12) Kere i konfia ku "Señor ta primintí nos un futuro yen di speransa." (cf Yer 29,11) "Resa i pidi Señor ku gradisimentu i kere ku nos a haña kaba loke nos a resa p'e i nos lo hañ'è tambe." (cf Marko 11,24-25)

**"Resa i spera i no preokupá, pasobra preokupashon ta inútil. Dios ta misericórdioso. E ta skucha nos orashon!"**  
(Padre Pio de Petrelcina, Italia 1887-1968)

1L Hak 1,12-18; Sal 94,12-15.18-19;  
Ev Marko 8,14-21

005999-522-4056 Un Snechil Pan unsnechilpan



**Sindikalismo** mester bai na dediká atenshon na e fenómeno di "nul-uren contract" òf tambe yamá "oproepcontract" ku a hasi su entrada den nos merkado laboral. Normalmente nos konosé akuerdonan laboral den forma di un akuerdo pa tempu definí, kual akuerdo si e ripití tres biaha tras di otro, otomatikamente e di kuater akuerdo lo bira un akuerdo indefiní, esta bo ta drenta den servisio permanente. Den sierto sektorkaminda den sierto temporada tin hopi mas tantu trabou ku den otro temporadanan òf kaminda e dunadó di trabou kier mantené su gastunan laboral fiho na sierto nivel, lei ta permití pa e usa e asina yamá "oproepcontract" òf "nuluren-contract". Tur akuerdo laboral konosé su kondishonnan mará na lei òf mará na un CAO. Awor kiko e "nuluren contract aki ta enserá i kiko ta su reglanan.

*Nòchi Willem, consehero di Union Sindikal Boneriano, USIBO*

## Sindikalismo na Boneiru(6)



E akuerdo aki ta krea e oportunitat ku un dunadó di trabou por yamabo ora e tin mester dibo i lo pagabo solamente pa e oranan ku bo traha ku un mínimo di tres ora. Pues si e yamabo pa traha 10 ora e ta pagabo 10 ora, pero si e yamabo pa traha un ora, tòg e mester pagabo tres ora minimal. Awor pa evitá ku e dunadó di trabou ta abusá di e sistema tin reglanan mará na e sistema. Na Ulanda esaki ta reglá den e Wet Arbeidsmarkt in balans. Mi ta di opinion ku ounke kisas e lei aki no ta aplikabel serka nos, e espíritu di e lei aki sindikalismo ta apoyé komo e ta evitá abuso kontra trahadó, kreando alaves un benefisio pa e dunadó di trabou. Mas pronot ku ta posibel aki na Boneiru tambe nos mester bai na reglamentá e

fenómeno aki. Di parti di sindikalismo nos ta kere ku e siguiente puntonan mester haña un base legal,  
1. E dunadó di trabou mester yamabo ku un antisipashon di 4 dia. Pues e mester avisábo 4 dia delantá ku e ta bai tin mester dibo.  
2. Si ela yamabo pa bin traha un kantidat di dia i ora, antó pa un ùf otro motibu e kanselá e mester pagabo e dianan i e oranan ku ela manda yamabo.  
3. Si ela palabrá e oranan ku bo mester bin traha, antó bo bira malu, bo mester tin derecho riba 70% di bo salario pa e dia òf e periodo ku ela yamabo bin traha.  
4. Si bo ta un trahadó ku ta kai serka e mesun dunadó di trabou komo "oproepkracht" bo tambe tin derecho riba dianan di vakashon i un vakantieuitkering

na e proporsion ku bo a traha. Sindikalismo mester proponé 8.33% di bo salario i lo ta bon ku a nota di pago di salario e dunadó paga esaki tambe mesora.  
5. Si bo a traha un aña komo oproepkracht serka e kompania, e mester ofresébo un akuerdo di trabou indefiní despues di un aña, pues e mester ofresebo vaste dienst.  
6. Si durante tres luna a yamabo pa traha e mesun kantidat di ora, e no por baha bo oranan despues di tres luna sin ku abo bai di akuerdo. E trahadó por hasi un apelashon riba e pensamentu di e kantidat di ora fiho ku ela traha e tres luna sigui.  
7. Si bo traha mas ku seis luna komo "oproepkracht" bo a krea e derecho riba un kantidat fiho di oranan ku mester pagabo.

Den e lucha sindikal pa krea mas balansa husto riba e merkado laboral i komo meta fundamental di sindikalismo, esta resistí kualkier forma di abuso i/o eksplotashon di e klase trahadó den e merkado, sindikalismo lo bai laga analisá e tipo di kontrakt aki riba nos merkado laboral aki na Boneiru pa asina krea instrumentonan legal pa evitá abuso. Tanten nos kier hasi un yamada na tur esnan ku lo por haña un oferta pa traha komo "oproepkracht" di no firma e kontrakt pa loko sino laga un hende ku konosementu lesa e kontrakt, splikabo kiko tin pará den dje promé ku bo firma. En todo kaso si bo por, akudí na un profeshonal riba tereno laboral òf bo por akudí serka kualkier sindikato aki na Boneiru. I pronto nos ta spera ku lo bo por bai tambe na e bentana hurídiko ku lo por dunabo asistencia.



## Kas i edifisionan di antaño (13)

*Den un seri di artíkulo riba djarsars BONERIANO ta dediká atenshon na e kasnan bieu di e isla aki, basá riba un estudio ku dr. Ank Klomp, antropólogo, a hasi masoméno 45 aña pasá. HET 'OUDE' BONAIRIAANSE WOONHUIS ta un estudio ku spesialmente awor ku e kas i edifisionan di antaño ta bou di menasa ta proba su importansia.*

### Kasnan nèchi

Un sierto Teniente Snijders, ku a bishitá Boneiru probablemente na 1904, ta deskribí e kasnan den Playa komo "de nette huizen, met hunnen roode en blauwe daken en hunnen aardige dakvensters", pero ei mes e ta agregá ku tur e kasita i kasnan nèchi aki ta solamente restante di e anterior prosperidat ku Boneiru a konosé. Ta un prueba ku e doñonan no tabatin moda mas pa mantené nan bibiendanan chikitu mas.

Tokante su bishita realisá na Rincon, Snijders ta skirbi ku e kasnan ei tambe ta duna un bon impreshon, pero ku tòg aki tambe ta topa ku algun ruina. Snijders no a duna deskripshon di e kasnan di Nikiboko i Tera Kòrá, pero sí di e barionan 'Deentera' (Antriol). E ta skirbi ku "enkele steenen huizen veraangenamen hier het oog te midden van die menigte armoedige hutten van gevlochten takken

met leem bepleisterd en met daken van maisstroot." Den e mesun publikashon kaminda e relato aki di Snijders a sali, e maestro di skol públiko na Boneiru na kuminsamentu di siglo pasá, Krijt, ta deskribí e kasnan di Playa Pariba komo "rechts enkele goed onderhouden woningen in grillige wanorde neer gezet, maar de vele ruines wijzen U op verval."

Krijt ta bishita Lac i ta pasa Bacuna, e tempu ei di Richard Muskus. E ta mensioná tambe e lanthuis di Bacuna, ku Ank Klomp ta mostra ku pa loke ta trata tipo, e kas di Bacuna ta parse esun na Nikiboko, ku riba dje skirbi '1885 Pueblo Novo', ku awe ta un ruina ku kasi no por restorá mas. Pues e kas suit di e tienda 'Ons Hoekje'.

### Mas deskripshon

Pastor Euwens den e mesun Neerlandia ta skirbi di hende grandinan

di Boneiru (kuminsamentu di siglo 20) ku ainda por a kòrda ku tempu ku nan tabata mucha ku Fòrti i e kas di gobièrnu tabata e úniko edifisionan na Playa. Sobrá di Playa tabata konsistí di yatu, kadushi, entre otro tambe den loke awendia ta Kaya Grandi. Ta despues Playa a ekspandé ku mas kas, ku ta kuadra ku e mesun desaroyo ku Den Tera (Antriol), Nikiboko, Tera Kora i spesialmente Rincon a pasa den.

E último deskripshon ku Ank Klomp a hasi su estudio, pa haña un bista di e kas i edifisionan di Boneiru, tabata loke a sali di e isla aki den e buki 'Oranje en de zes Caraïbische Pairen' (1948). Aki den Charles Hellmund (Shon Cha) ta deskribí e Boneiru di e segundo mitar di añanan kuarenta.

Riba pagina 487 Hellmund ta mostra ku hopi boneriano awor tin un entrada rasonabel dor

di binida di e industrianan petrolero na Aruba i Kòrsou. Nan ta trahá hopi riba e tènkeran ku ta buska petrolio na Maracaibo pa refiná den e refinarianan aki. E plaka ku ta yega Boneiru via pòstwesel ta importante. Hopi di e kasnan ku a lanta den besindario di Playa i Rincon ta bini di e plaka ku e trahadónan aki a spar i a manda pa nan famianan na Boneiru.

### Konklushon

Di akuerdo ku Ank Klomp, si mester laga e ranchonan den kua e indjannan a biba for di konsiderashon, por konkluí ku e promé kasnan di Boneiru tabata kasnan di bara, ku práktikamente tur a disparsé, ku eksepsion di algun ku a transformá ku kasi bo no ta rekonosé nan mas. Entre otro a pleister nan muraya ku sement. A keda traha e tipo di kasnan aki te ora ku industria petrolero a yega Kòrsou i Aruba i ku hòmbenan boneriano a bai traha riba e islanan aki, masoméno den kuminsamentu di añanan trinta.

Pero for di 1823 tabatin algun kas di piedra na Boneiru, esta kuater di hendenan partikular i kisas dos of tres di gobièrnu.

Un kas tabata situá posiblemente den Forti, e

kas di komandür, un nèt pafó, ku tabata kas di e promé supervisor di e isla. E kasnan partikular tabata situá pa nort di Forti.

Na 1837 tin algun kas nobo a bini den e besindario ei. Ainda por topa, anke masha tiki, ku algun di e kasnan den e estilo bieu aki. Ta interesante pa sa si nan ta data di e promé mitar di siglo 19. Entre otro e kas di Van der Dijs.

Pa loke ta trata e pueblonan rònt di Playa por keda establese ku na 1886 tabatin kaba algun kas di piedra. For di e relato di Van Dissel esaki ta bini bon kla dilanti. Di Rincon nos sa ku siguridat ku promé ku aña 1885 (Martin) tabatin kaba kas di piedra.

Ta probabel ku Domi Bosch a drumi den un kas di piedra na Rincon durante su bishita na 1822.



Mayoria kasnan di piedra na Boneiru, tantu na Playa komo den otro barionan, ta di fecha mas resien. Asta por asumí ku a konstruí mayoria kas di piedra despues ku industria petrolero a trese prosperidat riba e islanan aki. Informantenan ku ken Ank Klomp a papia durante su investigashon ta konfirmá esaki.

(Esaki tabata último entrega di e seri)

## MONCHI & TONCHI

Ata m'a lesa ku STINAPA ta buskando nòmber lokal di un para nobo.....

Awèl sí. Laga nos mes pensa un nòmber p'e: ParaKlechi!



### KOLOFÓN

Editor: Bonaire Communication Services N.V.  
Kaya Irlanda 12,  
Tel. 717-8482

Redakshon: [extrabon@gmail.com](mailto:extrabon@gmail.com)  
avisobon@gmail.com  
Wèpsait: [www.extraboneiru.com](http://www.extraboneiru.com)  
Facebook: Extra Boneiru

**Direktor**  
Shirley Martis  
785-3824  
796-3824

**Hefe di redakshon**  
Nathaly  
Evertsz-Ipcedencia

**Redakshon**  
Papi Antoin  
Edson Pietersz  
Ibi Piar (deporte)

**Partner na Aruba**  
Awe Mainta  
**Partner na Kòrsou**  
Extra  
**Partner na Boneiru**  
Live99

**Layout**  
Maya Beaumont

**Konsehero:**  
Bòl Antoin  
786-6818

**Aviso**  
[avisobon@gmail.com](mailto:avisobon@gmail.com)

# DI Seis DJADUMINGU SIKLO B


**Promé Lektura** : Levitiko 13, 1-2. 44-46  
**Di dos Lektura** : 1Korintionan 10, 3. 11, 1

**Salmo** : Salmo 32, 1-2, 5. 11  
**Evangelio** : Marko 1, 40-45

E promé lektura di e djadumingu akí ta tumá for di buki di Levítiko.

shon di ku nos por komprendé mihó loke awe e evangelista Marko ta konta nos, ora e ta presentá Hesus ku-

rando un leproso. Den Levítiko ta papia klaramente di e fèrmidat asina spantoso ku tabata lepra. Den



## E arte di delegá outoridat

Por Guillermo Maldonado

Un di e fasetanan di liderazgo, ta e abilidad di delegá responsabilidatnan na esnan disípulon-potensial. Lamentablemente, tin hopi lider ku ta kometé eroman na delegá, i komo resultado, no tin reprodukshon di lidernan. Delegá ta un arte, kaminda nos mester siña na konfia den otro. Algun biaha, nos ta pensa ku ningun por hasi e trabou ku nos mes, pero ta nesario delegá i konfia den nos disípulon, maske sabiendo di antemano, ku nan ta bai kometé eror, pasobra e ta parti di e proseso.

“El a skohe algun hòmer kapas for di den henter Israel i a hasi nan lider di grupo di 1000, 100, 50 i 10 hende. Nan tabata husga kaso tur dia. E kasonan mas pisá nan tabata pasa pa Moises i esnan chikitu nan mes tabata atendé.” Éksodo 18.25, 26

### Kiko nos ta bai delegá?

- **Outoridat:** derecho legal delegá pa ehersé dominio, respaldá pa un poder. E ta e derecho legal pa aktua den nòmber di otro persona, di un empresa, ministerio o organisashon. E outoridat mester ta duná den privá i, tambe, den públiko, p’asina ku otro personanan ta rekonosé i ta someté su mes. Henter outoridat delegá ta basá den sumishon.
- **Responsabilidad:** E outoridat delegá ta impliká responsabilidad, ke men, e persona tin un trabou pa realisá i mester na komprometé su mes na termin’è.

### Ta importante:

- Delegá conforme na disposishon i na e **kapasidat** di e persona.
- Delegá di akuerdo na e **don òf na e pashon** di e persona, poné den e posishon korekto. Dios a duna e donnan di akuerdo na e pashon i na e talento di kada persona.

### Kiko Hesus tabata ora el a delegá outoridat na su disípulon?

- **E tabata instrukshonnan spesífiko:** E kon, e ki ora, e kiko, e unda, e di kon di trabou. Esaki ta evitá problemanan futuro.

“Hesus a manda e diesdos hòmbenan akí sali bai ku e siguiente instrukshon: ‘No kohe kaminda di esnan ku no ta hudiu ni drenta siudat di e samaritanonan. Mihó boso bai serka e karnéan pèrdi di pueblo di Israel. Anunsiá durante boso biahe: ‘Reino di shelu ta serka!’ Kura esnan ku ta malu; lanta morto; kura esnan ku tin lepra i saka demoño for di esnan poseé. Pòrnada boso a risibí, pues duna pòrnada tambe.’” Mateo 10.5-8

### Algun prinsipio bíbliko ku disípulo mester sa:

- **Duna kuenta:** Tur bon disípulo, despues di ku a ser delegá outoridat i responsabilidad, e mester informá i duna kuenta di su trabou. “E 72 disípulnan a bini bèk kontentu. Nan a bisa Hesus: ‘Señor, asta demoño ta obedesé nos ora nos usa bo nòmber!’” Lukas 10.17
- **E responsabilidad i outoridat ta delegá:** Esaki ku bisa ku no mester abusá di nan. Su outoridat ta fundamentá den sumishon i den e relashon saludabel ku e lider. Si e disípulo ta rebelá kontra su lider, e ta pèrdè e outoridat. No mester no ser permití rebelion bou di ningun sirkunstansia den e organisashon.
- **E kompromiso primordial di e disípulo ta di sirbi ku e fin di aliviá e karga di lider:** E outoridat ku e disípulo ta risibí pa sirbi e pueblo i no pa satisfasé su propio interesnan. “17... Aparentemente ta bon Bo no ke mi ku Bo a pone responsabilidad di henter e pueblo akí riba mi lomba.”. Numbranan 11.17
- **Despues di Dios, fidelidat i lealtat mester na e lider:** Lealtat ta importante den empresa, den iglesia, pafo di iglesia, den hogar, entre otro.

**Mantené un kurason ku ke siña i dispuesto na disiplina:** Ora e ta kiboká, e disípulo mester sa na aseptá korekshon.

e dianan ei no por a hasi nada pa por lo ménos hasi uso di algun remedi, ya ku humanidat lo mester a spera siglonan pa por yega n’è.

Awe, e fèrmidat akí ta sigui siendo inkurabel, pero a lo ménos e enfermo no ta sufri tantu, i maske tambe e ta keda contagioso, no ta resultá asina peligroso.

E fèrmidat akí ta ataká partinan di nèrvio, hasiendo ku esun ku ta sufri di dje ta pèrdè sensibilidat di e parti afektá. Esaki ta nifiká ku si, por ehèmpel, e pia ta trompeká riba un piedra, e enfermo no ta sinti nada, pero kisas e pia ta sufri un herida.

Poko poko, debí na e falta di sensibilidat, e personanan tabata kuminsá deformá, hañando tin bia aspektonan di monstruosidat. Pero esaki lo tabata den kaso ekstremo.

E prohibishon diktá den e buki di Levítiko tabata mas bien pasobra den e tempunan antiguo tabata konsiderá e malesa sumamente contagioso, i pa protehá e poblashon, tabata duna òrdu pa separá i e enfermonan, ku mester a biba den lugánan apartá, i nan tabata obligá pa atvertí si nan tuma nota di presensia di strañero ku tabata leproso.

Tabatin kaso den kua un persona ku tabata konsiderá komo leproso no tabat’asina, pa kua tabata eksistí den Tempel di Herusalèm un grupo di saserdote, spesialisá den saminá no únkamante lepra sino otro fèrmidatnan ku tabata kousa impuresa den personanan afektá, pa mesun motibu di kontaminashon òf komo norma higiéniko.

Ora ku a nota e sintomanan e enfermo mester a presentá su mes na e saserdotenan enkargá, i esakinan taba-

ta ordená su separashon. Si despues di ta separá, nan tabata sinti nan mes kurá, nan tabata bini bèk serka e saserdotenan i si esakinan tabata konsiderá ku tabata asina nan lo a deklará nan sano i tabata bolbe integrá nan den komunidad.

Den kaso di e evangelio di awe Marko no ta spesifiká kon e enkuentro di e leproso ku Hesus a bai. Ta posibel ku tabata na un lugá apartá pasobra manera el a bisa nan no por tabata entre e personanan sano. Bèrdat ta ku Hesus a aseptá su petishon i a kur’è. Despues el a pidié pa no bisa ningun hende i ku e mester a presentá su mes na e saserdotenan pa nan konfirmá su sanashon.

Esaki ta demostrá e poder di Hesus i su kompashon pa e enfermonan. Asina E lo a kura hopi otro leproso i enfermonan di tur klase, loke lo a oblig’è pa buska lugánan kaminda E por a instruí e disípulnan trankilamente i tambe deskansá. Aina asina, nos ta mira ku e hendenan no tabata stòp di akudí serka djE unda ku E tabata.

Mayoria hende ta sigui buska Dios pa kura nan fèrmidatnan, maske awe nos ta konta ku hòspitalnan magnífiko, dòkter i enfermeronan, ku yudansa di teknologia, a logra na superá hopi di e defisiensianan ku hendenan tabata sufri den tempunan di Hesus.

Pero si ta bon ku nos akudí na Señor pa haña sanashon di un fèrmidat korporal, nos ta hasi mesun kos ora ta trata di un fèrmidat mortal manera piká ku ta mata bida di nos spiritu?

Laga nos nota un kos. Asina manera lepra tabata obligá e personanan malu pa apartá nan mes di e komunidad, asina piká ta apartá nos di nos relashon ku

*Sigui lesa pag.11*

ARUBA

# Auto a bolter na crusada di Sero Pita

**ORANJESTAD** -- Diabierna merdia habitantenan a scucha un pito largo y despues un zonido masha duro mes, tawata trata di un accidente mas ariba e crusada aki. Pa basta tempo nos ta avisan[1]do di e crusada aki, cu ta uno peligroso pero nada ta wordo haci. E

biaha aki por a termina den un accidente fatal, debi cu un di e vehiculonan involvi a bolter y cay bek ariba su 4 wielnan.

Den e auto tawata tin 3 ocupante, un tata cu dos yiu homber. Nan suerte tawata; cu tur tres tawata den seatbelt bisti, strobando cu den e impacto un of mas por

a wordo saca violentamente for di e auto cu consecuencia fatal. Poco mas leu, ariba e caminda cu ta bay pa Ayo por a mira polis papiando cu e dama di edad, na stuur di e Toyota Yaris. A bin resulta cu e dama a subi caminda, momento cu e Astra tawata biniendo di panort y mester bisa esaki cu velocidad halto. Segun testigonan, e Astra a bolter y bay para cara bek panort. Paramediconan na yegada a solicita pa Brandweer, debi cu nan no por a habri e porta di chauffeur pa saca e tata di Astra. Pero, un bombero a yega y den un ranca e porta a habri y no mester a bay uza niun ekipo pisa di rescate. Dos ambulance a yega e sitio, pa atende cu esnan herida y transporta e chauffeur di e Astra pa Hospital. Esnan cu ta encarga cu infraestructura; un biaha ta pidi boso pa haci algo ariba e crusada.



# Adicto golpia y a kita su placa di onderstand

**ORANJESTAD** -- Diahuebs anochi rond di 9'or algun unidad policial a bay den Kruisweg, cerca


di warrda di polis bieu situa den Wilhelminastraat pa un pelea. Na prome instante testigonan a pensa cu un

persona posiblemente a wordo hinca durante e pelea. E pelea tawata entre dos adicto.

Polisnan cu tawata cerca a yega basta lihe, y a nota cu e adicto supuestamente herida no a wordo hinca, pero si a ricibi golpi. Polis a papia cu e adicto, cu a keda na meña y e la conta cu e otro persona mas grandi di esta[1]tura y di peso a bringa cu ne y a kita 150fls algun cos mas for di dje. Segun e adicto lo ta su placa di onderstand. El a sigui bisa polis cu e ta sufrí di curason y despues a cay sinta abou.

Poco mas pabou den Oranjestraat cerca unda antes tawata ex Interbank polis a topa cu e otro adicto y mesora a detene y pone den boei. Locual muy probablemente a sosode ta cu e adicto lo debe droga y mester paga, y pa nos pone

cortico “nan” a bin cobr’e y eynan un Sub Fiscal lo ! A pidi pa transportwagen dicidi locual lo sosode cu cu lo hiba e agresor warda ne





**KÒRSOU**

# Oumento atrako riba turista

**WILLEMSTAD** – sifra ku a baha i oumentá Na 2023, 68 turista a hasi denunsia atrako na Kòrsou, un tendensia preokupante ku ta kuestioná e siguridat di e bishitantenan di e isla. E sifranan akí a keda anunsiá pa Parlamentario Ramón Yung, di partido MFK, kende a pidi atenshon riba e situashon di siguridat na e isla. Ademas di turista, 215 residente lokal tambe a hasi denunsia di atrako, loke ta oumentá e total na 283 denunsia. Mayoría di e denunsianan entre turista a tuma lugá den áreanan turístiko popular manera Bapor Kibrá, Bullenbaai, Penstraat, Skaloweg, Pietermaai i Bredestraat Otrobanda. E áreanan aki ta atraé hopi bishitante tur aña i ta krusial pa e sektor turístiko di e isla. E denunsianan di atrako na 2023, ta parti di un patronchi kriminal mas amplio riba e isla. Yung a presentá un bista di e sifranan di kriminalidat di e último añanan, ku ta muestra ku aunke e kantidat di asesinato a baha for di 2017, e kantidat di ladronisia ta fluktua. Na 2017, Kòrsou a registrá 482 atrako, un sifra ku a baha i oumentá den e añanan siguiente, ku 169 kaso aña pasá. Yung ta enfatisá e importansia di medidanan preventivo i un enfoque spesífiko pa garantisá seguridat tantu di residentenan lokal komo di turista. “Ta fundamental pa analisá unda e konsentrashonnan kriminal ta pa nos por aktua mas efektivamente,” e parlamentario a bisa. E ta señalá tambe e importansia di kresementu ekonómiko komo un medio pa redusí kriminalidat, pero ta argumentá ku den tempu di eskases finansiero, hopi biá tin un oumento di kriminalidat, inkluyendo atrako. E debate riba siguridat di turista no ta nobo. Anteriormente a indiká ku tin un falta di kontròl i siguridat den sierto áreanan turístiko. Yung ta pidi koperashon di e partidonan enbolbí pa mehorá e situashon di siguridat di e bishitantenan: “Nos no solamente mester enfoká riba kresementu ekonómiko, pero tambe koperá aktivamente ku tur e partidonan involbí pa duna nos turistanan un eksperensia seif.”



# Hòmber ta pèrdè su bida na Shut

**WILLEMSTAD** -- laman, den serkania di Shut, Djadumingu mainta Sentro di Operashon Marítimo (MOC) di Wardakosta a risibí un petishon di parti di Kuerpo Polisial Kòrsou pa duna asistensia na búskeda di un hòmber ku a kai den

laman, den serkania di Shut, na kosta nort di Kòrsou. E hòmber tabata piska huntu ku un otro hòmber, na momentu ku un ola grandi a sorprendé nan. Un di e hòmbernan a resultá den laman i no tabata por a sali riba su mes forsa. Despues di esaki a dirigí e helikòpter di Wardakosta pa MOC pa saka e hòmber for di den laman. Na yegada di e helikòpter na Shut, e hòmber ku no tabata duna señal mas di bida, a keda saká for di den laman. Polis i tambe Brandweer tabata na e sitio. A hiba e kurpa na tera na Shut, kaminda dòkter a konstatá ku e persona a fayesé. Wardakosta ta desea famia di e hòmber forsa.



# Entrega stul i baiskel pa patruyá na SDKK

**WILLEMSTAD** -- e okashon akí, Anthony Djárason 7 di febrüari Minister di Hustisia, Shalten Hato, a hasi un bishita di trabou na Sentro di Detenshon i Korekshon Kòrsou (SDKK).

E bishita di trabou akí tabata den kuadro pa hasi entrega di stulnan nobo ku a yega pa prizòn i tambe baiskel pa patruyá riba tereno di e instituto. Na

reklutashon di personal di seguridat pa prizòn. Pa ku e reklutashon akí, a keda instalá 3 komishon ku lo skucha mas o ménos 80 kandidato pa ku e funshon di seguridat na prizòn. Gerensia di SDKK ta sumamente gradesido ku e koperashon i trabounan hasi entre SDKK i Ministerio di Hustisia.

Tambe durante e bishita, Shalten Hato a risibí informashon riba e trayekto di kombersashon di solisitut ku ta tumando lugá pa ku



**STATIA/SABA/ST. MAARTEN**

*Parlamentarionan a huramentá*

# Sarah Wescot unánimemente skohé komo presidente di Parlamento

PHILIPSBURG – Lider di Democratic Party (DP), miembro di Parlamento, Sarah Wescot-Williams, a marka historia djasabra ora el a bira e promé persona ku a keda skohé unánimemente pa presidí Parlamento di St. Maarten.

Su nombramentu sin oposishon, a tuma

lugá durante e promé seshon di Parlamento entre e parlamentarionan nobo skohé djabièrnè atardi, poko despues di a huramentá pa e puesto. E 15 parlamentarionan a vota na favor di Wescot-Williams pa asumí e puesto di presidente.

Gradisiendo e

parlamentarionan pa e konfiansa depositá den dje, Wescot-Williams a bisa ku nunca ántes a pasa ku un presidente di Parlamento na St. Maarten a keda skohé unánimemente pa henter Parlamento. “E ora ei mi ta gradisí boso i mi ta kere ku ta un bon komienso pa e funshonamentu di Parlamento, meskos ku pa henter Parlamento. Danki

pa e konfiansa,” Wescot-Williams a deklará.

Durante e reunion, lider di Nation Opportunity Wealth (NOW), Parlamentario Christophe Emmanuel, a keda skohé komo promé vise presidente di Parlamento ku ocho di e 15 voto emití, superando Parlamentario Omar Ottley di United People's (UP), kende a risibí shete voto.

Parlamentario di Party for Progress (PFP), Melissa Gumbs, a keda skohé komo di dos vise presidente di Parlamento ku ocho voto, superando Parlamentario Egbert Doran di Nacional Alliance (NA), kende a risibí kuater voto i lider di NA i promé minister interino, Silveria Jacobs, kende a risibí tres voto.



## For di dil regional Statia i Saba ta haña 15 mion

ORANJESTAD/THE BOTTOM -- E islanan Sint Eustatius i Saba, lo risibí un estímulo finansiero konsiderabel di nada ménos ku 15 mion euro, mas òf ménos ekivalente na mas ku 16 mion dòler Merikano, for di e dil regional di Hulanda. Pa Sint Eustatius, kasi 11 mion dòler lo ta disponibel pa fortalés e patrimonio kultural, históriko i natural, komèrsio di e isla i konmemorashon

di e pasado di sklabilitut. Ademas e isla lo enfoká riba krea mas oportunitatnan di trabou den kuido di salú i establese lugánan di kuido mas físiko i aksesibel. Pa Entidat Públiko Saba, a destiná 5.4 mion dòler pa promové kresementu ekonómiko sostenibel riba e isla i pa reforsá e oportunitatnan di edukashon i desaroyo relashoná ku deporte i salú.



## Kasi 100 partisipante a partisipá na kaminata konmemorativo

PHILIPSBURG -- Djabièrnè 2 di febrüari un kantidat di kasi 100 persona bistí na kòrà, a partisipá na e kaminata konmemorativo. Un evento kolaborativo entre Collective Prevention Services (CPS) i e fundashon di kurason di

St. Maarten. Tabatin hopi partisipante, di diferente edat, koleganan, amigunan i famianan, ku a bai for di hóben te ku mas ku 79 aña, tur uní pa un kousa komun.

E fundashon di kurason di St. Maarten a distribuí lus kòrà i blas kòrà i e ambiente

general a keda risibí ku un espíritu positivo.

E meta di e kaminata di memoria ta pa reflehá riba e salú kardiako di un persona i pa rekordá esnan ku ta biba òf a pèrdè e bataya pa motibu di un malesa di kurason.



**DEPORTE**

**Ayrton ku otro hattrick fin di siman**

KRALENDIJK -- E futbolista ku ta sigui primintí hopi pa su futuro karera den e deporte di futbòl na Hulanda ku ta Ayrton Cicilia, fin di siman pasá a registrá otro "hattrick" riba su nòmber den futbòl aya na Hulanda.

Ayrton ku ta tumando e oportunitat hopi na serio pa su futuro karera den futbòl aya na Hulanda, fin di siman pasá tabatin otro tremendo fin di siman.

E la hinka tres gol kontra e ekipo Hollandia U21 di Hoorn den un partido ku su tim Zeeburgia U21 a gana ku skor di 6-1 fin di siman

pasá aya na Hulanda. Ayrton Cicilia ta hasiendo su máximo esfuerso pa logra e meta su dilanti. E ta moviendo bon i su "coach"nan ta kontentu ku su prestashon pa sigui krese den futbòl aya na Hulanda ku su tim Zeeburgia U21. Tur kos ta den su mes man pa logra su meta.

Nos ta deseá Ayrton tur pero tur klase di éksito aya na Hulanda i asina ku nos tin kualke informashon tokante esaki nos lo amplia pa abo ku ta dependé di nos pa informashon, ta sèmper bon informá.

**Kampionato futbòl ta sigui djárason**

KRALENDIJK -- Kampionato futbòl di nos isla pa loke ta trata kampionato futbòl di FFB, esaki ta sigui e siman aki ku diferente partido.

E weganan pa e siman aki ta sigui djárason awó 8'or anochi den Stadion Antonio Trenidad na Rincon, ora ku e ekiponan Juventus di Antriòl/Playa Pabou topa ku Young Boys di Nort Saliña.

E partido aki ta primintí di bira otro tremendo partido di e kampionato ku dos ekipo buskando e viktoría i tres puntonan fo'i dje partido.

Despues di e partido

aki, e kampionato ta sigui djaweps 15 febrüari pa 8'or anochi den Stadion Antonio Trenidad, ora ku e ekiponan Estrellas di Nort Saliña i Independiente enfrentá otro.

Djabièrnè 16 di februari pa 8'or anochi na Stadion Antonio Trenidad na Rincon, ta topa otro e ekiponan Vespo di Rincon i Atl. Flamingo di Nikiboko ku lo enfrentá otro.

E partido aki tambe ta primintí di bira otro tremendo partido di e kampionato, esaki ku dos ekipo buskando e viktoría i 3 puntonan fo'i dje partido.

**Kaminda Nieuw Amsterdam yen sushi**

*Kaminda Nieuw Amsterdam a bira sushi. Esnan ku ta dùmp sushi riba e kaminda akí por stòp, un habitante di e kaya akí ta indiká.*



Popularidat ta relativo  
 P'esei un propio estilo  
 No solamente pa ta eksitoso  
 Sino sigur mas balioso

**BròKèS 93.5 FM**  
 pokopoko pero sigur mas i mas hende ta ...

*Skuch'è*  
 Telefon/ WhatsApp +599 701 0935  
 www.radio935bonaire.com

# Siudadano ta duna alablanka kuminda

**KRALENDIJK** -- Un siudadano di e bario Nort di Saliña, Kaya Caribe, tur dia ta tira kuminda pa para. Spesialmente alablanka ta

akudí pafó di kurá di kas di e persona aki pa alimentá nan mes.

E paranan aki den pasado, den temporada ku

tabatin maishi den kunuku, tabatin abundansia di kuminda, loke awendia no ta e kaso mas. Ta masha tiki kunukero ta planta nan


kunuku.

Danki Dios tin hende ta kai na pena di e paranan aki i ta sòru tur dia pa nan tin algu di kome.

Aki ta trata di alablanka mas tantu, pero yiwiri, patrushu i totolika tambe ta probechá.



## CS55 PLUS + innovative



special price  
**\$25,995**

CHANGAN AUTO

dabboussi

SERVICE & PARTS  
GUARANTEED

+

**5** YEAR  
WARRANTY

/dabboussimotors

701.6463